



სსიპ საქართველოს თემისის უნივერსიტეტის  
აკადემიური საბჭო  
დადგენილება № 01-05-04/143

ქ. თბილისი

სტუ-ის დოქტორანტურაში მიღების შესახებ

18 ივნისი

2018

„უმაღლესი განათლების შესახებ“ საქართველოს კანონის 21-ე მუხლის, საქართველოს განათლებისა და მეცნიერების მინისტრის 2013 წლის 9 სექტემბრის №133/ნ ბრძანებით დამტკიცებული „საჯარო სამართლის იურიდიული პირის – საქართველოს ტექნიკური უნივერსიტეტის წესდების“ მე-8 მუხლისა და აკადემიური საბჭოს 2018 წლის 18 ივნისის №01-05-02/11 ოქმის საფუძველზე საქართველოს ტექნიკური უნივერსიტეტის აკადემიურმა საბჭომ დაადგინა:

1. გამოცხადდეს მიღება საქართველოს ტექნიკური უნივერსიტეტის შემდეგ სადოქტორო პროგრამებზე: ქიმიური და ბიოლოგიური ინჟინერია, ინფორმატიკა;
2. დამტკიცდეს ფაკულტეტების სადისერტაციო საბჭოების მიერ წარმოდგენილი სადოქტორო პროგრამების შესაბამისი ვაკანსიები (იხ. დანართი №1);
3. ინფორმაცია დოქტორანტურაში მიღების შესახებ, სადოქტორო პროგრამები და შესაბამისი ვაკანსიები, აგრეთვე დოქტორანტურაში ჩასარიცხი კანდიდატების მიერ წარმოსადგენი საბუთების ნუსხა და დოქტორანტურაში ჩარიცხვის პირობები განთავსდეს სტუ-ის ვებგვერდზე;
4. დამტკიცდეს დოქტორანტურაში ჩარიცხვის კანდიდატთა განცხადებების და თანამდევი დოკუმენტაციის შემსწავლელი საფაკულტეტო დროებითი კომისიები, აგრეთვე დოქტორანტურაში ჩარიცხვასთან დაკავშირებული პრეტენზიების განხილვის საუნივერსიტეტო კომისიის შემადგენლობა;
5. ჩარიცხული პირებისათვის სწავლა დაიწყება 2018-2019 სასწავლო წლის პირველი სემესტრიდან;
6. დადგენილება შეიძლება გასაჩივრდეს გამოქვეყნებიდან 1 თვის ვადაში თბილისის საქალაქო სასამართლოში (მდებარე: ქ. თბილისი, დავით აღმაშენებლის ხეივანი, მე-12 კმ, №6).

აკადემიური საბჭოს თავმჯდომარე

ა. ფრანგიშვილი

აკადემიური საბჭოს მდივანი

გ. სალუქვაძე